

Waya mcbu camac

Niqan musa posa durang, mcbu camac, phuling, maduk mi qnburang ka sediq ta rdrudan mcbu camac, musa smapuh mi smuung malu mi naqah ndaan, so niqan mspi, sisil mi puniq ka smpuhan dha, kndadax prading mcbu camac nii, beytaq brah tnsapah musa nganguc mcbu camac, pusu na balay u asi ka smblayaq kana ka tnsapah ta, pusu bay waya kiya, adaw ka knnaqah bay mi mqraqil ka qmpah kiya, nasi ta ini smblayaq ka tnsapah daw, kiya ka tmcamac nii u ini pskingal lhbun, knntu lmnglung ndaan ptutuy ppan kari, mniq dupan hiyu u naqah bay ndaan kiya, yabay niqan smliq knuudus tmcamac, kiya daw psramal ta musa mcbu camac ciida u, kana tnsapah u asi ka niqan msblayaq smapuh uri. Niqan kingal pprngaw dha, kiya ka ccamac nii u bnuway utux rdrudan ta enchaya, nasi uka knhuway lhbun, ini sbayaq qmita pluban tnsapah ta, hmuya mkla muway ita camac ka utux rdrudan hu? Ita sediq waya mcbu camac, ini bay knhmuc mangal hiyi nniq durang hiya, ana so buu nniq sapah beywi, ini dha umowuy mimah uri, uxay uri u musa mcbu camac ciida ida bay qyutun camac enca.

kndadax dupan nngalan na hiyi camac ka tmcamac, asi ka ini na rwahun, psaan na muxi sapah, babaw na musa mlawa tnhiqan msupu mcbu tmcamac miyah rmawah napa na brunguy, dhuq kana daw, kiya ka rwahan mi cqanun ka hiyi camac da, msupu masu wawa, so nii u pskla msdru mi lxa bay ka tmcamac, kiya nii pusu bay psaniq qmpringan tmcamac, iya bay pwla rmawah napa ta brunguy.

Pneyyah mrmux alang ka qlhangan Tanah Tunux ciida, ana naq spruun tnusa utux rdrudan mi qmuruy qmita sisil, kiya daw prading mpuuka da, beytaq ita dsediq snhiyan pnulan kyokay, mi kndudul mrmux ta briwan qmpringan saya da, uka ka “biyax so sisil”, mpuuka nniqan kndusan dxral ita sediq, lqlaqi ta bukuy wada dha chngiyun ka “biyax bwihur utux”, llabang bay ka dupan ta wada pyusan klwaan rmiwaw mi klwaan kana, kiya uri u smmalu “waya pdakar ccamac”...dnii, ini so plutuc mi pnsitudan ka pkrana ta waya da.

Lnglungan nami kana pa, naka bay msuupu qmlahang ka klwaan mi ita sediq, kiya ka niqan mddha dmwiyal pkddusi kndusan da, kmndakar rnaaw ddiyun.

狩獵的文化

傳統狩獵有放陷阱、射獵、用狗獵、圍獵、夜候獵等方式，在出門狩獵前，會占卜吉凶，有夢占、鳥占與火占。獵場是件危險的事，可能會危及獵人的生命。獵物是祖靈所給，準備狩獵的過程中，家庭應維持和諧的狀態。獵團有很多禁忌要注意，像是不能隨便拿陷阱上的獸肉，獵寮裡的湯也不能偷喝、共食也要到齊才能分肉…等

後來，繡眼畫眉的「靈影」，消失於族人的生活領域，後輩逐漸淡忘「靈力」。政府應與原住民族共同保護森林資源。